

IA

DIVERS,
TRAICTES,
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15



19 18 17 16 15 14 13 12 11 10 9 8 7 6 5 4 3 2 1 cm

IN
VOLUME
OF THE
LIBRARY
OF THE
UNIVERSITY OF
TORONTO

OE xv
754

Pièce 1	Dauvou	381-	
2	-	912-	Pellachet 4168 ⁶¹⁶ =
3	-	915	- 4618
4	-	913	
5	-	914	- 3899
6	-	916	
7	-	917	
8	-	918.	

Toutes les autres pièces sont du XVI^e siècle.

EXV 754 p. Vorne

ancien L 4° 463


Reine aux armes de
de Mon avant
les deux mariages

OE xv
754



Lettree du

treschrestien Roy de France Loys douziesme
de ce nom a sa bonne Ville de Paris





Le noble illustre Loys treschrestien
Roy des frâcots hault prince terre
Acompaigne de seignrs vertueux
Par le Vouloir du roy celestien
Receut couronne en honneste moyen
A saint denys comme cheuallereux
La eut mystere plaisant & sumptueux
Cestoit triumphe cestoit honneur & brulé
Le premier tour de iuliet gracieux
Mil quattrecens quattrevingtz & six huyt
Le lendemain qui fut deuytiesme tour
Vint a paris pour tenir son sejour
Triumphâment en pompe & en honneur
Et audeuant de son tresnoble atour
Ceulx de paris dune parfaicte amour
Saillirent hors pour veoir leur hault seignr
Acompaignez de noble gouverneur
De la cite de france capitale
En demonstrent que cest leur protecteur
Tenant le peuple en amour cordialle
Ducz princes contes seignrs & cheualliers
Bons capitaines de guerre brats routiers
Vous eussiez veu en tresnoble ordonnance
Acompaignez de gentilz escuyers
Faisans bondir en l'air cheuaulx courriers
Cestoit plaisir de veoir leur contenance
Leur hault estat & leur noble sobance
Est impossible le narrer & descrire
Car les plus nobles du royaume de france
L'accompaignoient comme souverain sire
Que dirons nous de la magnificence
De l'excellence dun prince si puissant

Qui cherche pain a toute diligence
Sa refulgence: noble preeminence
Francois dispense / de france est iouissant
Vient en croissant: non pas en mendissant
Car fleurissant fait toute la prouince
Il nest plaisir que dauoir humain prince
¶ Il y auoit trompetes & heraulx
Bien acoustrez: & en lait panunceaulx
Archiers empoint: suppres en bel arroy
Sonnans labours & instrumens fataulx
Tous a beau pie sans mulet: ne cheuaulx
Pour faire honneur au treschrestien roy
Et cheminoient sans vice ne desroy
Goleusemen / cestoit toute plaisance
De regarder leur belle contenance
¶ Quant au regart des harnois & des bardes
Des belles doustes: des tourneps des virades
Impossible est que nully le reuelle
Armeures faictes en facon de toquades
Bec: de faucons espees & hallesbardes
Gens abillez a la gorge nouuelle
Cestoit plaisir Vne ioye sollempnelle
De veoir le peuple qui haultement crioit
Vive le roy, chascun le desiroit

¶ Ensuit la Declaration de lescarfaute
de dessus la porte saint denys: & le my
stere qui y fut fait:

¶ L'eschafault de dessus la porte saint denys
estoit encustode honnourablement fait & compo-
pose par messeigneurs les preuost & escheuins
de la ville de paris / Dessus lequel estoit vng
lys triumpgant a sept fleurons / & au pie du lys
estoit abillie vng psonnage richement en abit
royal seme de fleurs de lys dor. Au pmiier des
fleurons dembas a main dextre estoit noble se-
je abilee de drap de soye violete: & la teste gar-
nie de fermillets dor & crespines: & cheueux
pendans. Et de l'autre coste estoit vng autre
psonnage aussi dedens le lys nome humanite:
abillie de soye grise. Et auoit en sa teste vne
grosse perruque a deux bosses couuert de fer-
millets dor & pietrerie en la facon du temps
passe / en demonstrant que l'homme noble doit
estre humain

¶ Item au deuxiesme fleuron du coste dextre
estoit vng autre psonnage nome richesse abile-
lee de drap de soye de iaune dor & de teste com-
me vne esponsee le plus richement quil estoit
possible. Et de l'autre coste du fleuron vng au-
tre psonnage nome liberalite vestue de soye
blanche a deux cornes du temps passe garni de
fermeillets & de pietrerie demonstrant que l'ho-
me riche doit estre liberal

¶ Item au troistesme fleuron estoit vng au-
tre psonnage nome puissance abillie de drap de
soye rouge tenant vne espee en sa main la teste
garnie dun gros bourrelet fourny de pietrerie
& de fermeillets dor. Et de l'autre coste estoit
fidelite vestue de drap de soye perse: & de labit

de teste en facon d'une damoiselle du tēps passe
a vng long atour demonstrent que vng hōme
puissant doit estre feal

¶ Item au millieu du lps auoit vng fleuron
q̄ montoit depuis la teste du roy charles le q̄nt
tout oultre les autres fleurs: a puenoit a vne
courōne q̄ estoit richement cōposee oultre le dit
eschafault. & estoit au pte de le schafault vng
psonnage vestu de scarlate qui tenoit vng rolle
de papier en sa main: & disoit ce qui sensuit.

¶ L'acteur.

¶ Par noblesse & humanite
Richesse liberalite
Puissance aussi fidelite
Le chief paruient a la couronne
Qui procede d'antiquite
De charles quint par dignite
A si sacree maieste
Couronne & ceptre on habandonne
¶ Lors entra magnifiquement
Dedens la ville capitale
Les eschevins triumpamment
De parfaicte amour cordialle
Comme a la puissance royalle
Et des francois le Bray tresor
Ciel d'azur a fleurs de lis dor
Du bon du cueur luy presenterent
Et reuerāment le porterent
Sur son chief digne precteur
Parmy la ville cheminerent
Dun franc vouloit affectueux

E Le roy passa oultre iusques enuiron les fil
les dieu ou il rencontra vng grant porc apic que
deux mores menoiēt. Et auoit ledit porc apic
vng camail dor borde d'argent / auquel camail
tenoit deux grosses & larges chaines dor torz
tillées enuiron de deux toises de long qui mes
notent & conduisoient ledit porc apic. Et quant
on vouloit il remuoit toutes ses plumes atour
noit les yeulx en la teste Il estoit barbe d'azur
seme de .L.L. couronnées & de soleils dor / et au
milieu dudit soleil auoit vne fleur de lis dor a
champ d'azur. Et estoient lesditz mores vestuz
de soye rouge & perse toques de soye iaune

Item plus oultre deuant leglise de la trini
te auoient fait faire les gouuerneurs & confre
res de la cōfrairie de la passiō vng escharfault
ou estoit abraham qui sacrisioit a dieu le pere
son filz ysaac Et a l'autre coste de le scharfault
le crucifiement de iesuchrist Cestassauoir ie sus
pendu en la croix entre deux larrons / Judas
pendu / anne / capphe / pylate & plusieurs iuifz
regardant le crucifiement / & couroit incessam
ment sang par les cinq plaies dudit crucifix

Item y auoit a la fontaine du ponceau vng
lis bien ordonne & subtillement compose / Du
q̃l lis sortissoit par quatre fleurons de leue
en grant habondance pour rafraichir ceulx qui
estotent alterez & perturbez de chault

¶ Item a la faulce porte saint Denis estoit un
escharfaul acoultre honorablement & estoit un
monde tout en hault & nuieton douze piez. Des
dens lequel monde estoit un personnage nom
me bon temps vestu de soye lausne a grandes
manches acoulteres: & une grande barrete a
sa teste: lequel personnage estoit appelle bon temps.
Et tenoit en ce monde un autre personnage
nomme pat & abille d'une robe blanche: la teste
richement comme une espousee & avoit de dens
ce monde plusieurs menestriers & ioueurs d'in
strumens qui sonnoient melodieusement.

¶ Item sur le dit escharfaul estoit un autre
personnage nomme peuple francys vestu et
muy paré de soye rouge & perse: qui menoit une
fille par la main: & avoit le dit peuple francoys
une barrette rouge a la florentine: Ladicte fil
le vestue de soye verte & la teste acoultree com
me une espousee cest assauoir a chaines d'or: et
bagues precieuses & se appelloit ladicte fille re
louissance.

¶ Item a l'autre bout de lescharfaul estoit
un autre personnage nomme le bon pasteur
de france abille de une robe de soye blanche en
façon de roquet tenant une houlette en sa main
& venoit alencontre dudit peuple francys: le
quel peuple francys disoit ce qui sensuit.

¶ Peuple francys

E Je suis dehait menant resiouissance
A la venue du bon pasteur de france
Honneur / louenge / triumphe en luy habonde
Patx a bon temps il entretient au monde
Dieu le preserve de mal a de souffrance

Ledit prince a seigneur passa oultre iusques
enutron saint laques de l'ospital: ou il trouua
Vne belle fille vestue de soye blanche Vne cor
quille de soye violette en sa teste q tenoit Vng
cerf grant a espacieux oultre mesure / car il a
uoit bien .xxv. pieds de longueur a autant de
haulteur quant il auoit le col debout. Les cors
nes dudit cerf estoient dor La teste semblable
a Vng cerf. Il auoit deus grans esles de plus
sieurs couleurs qui procedoient des costes dui
dit cerf a aloient aussi hault q sa teste: a estoit
ledit cerf barbe de gueulles seme de .L. L. dor
a de soleils dor: ausquelz souleils auoit de des
Vne fleur de liz dor a champ d'azur: a auoit au
col dudit cerf Vne couronne dor: ou pendoit Vn
escu de france. Et auoient les seigneurs de la vil
le fait faire ledit cerf / porc apic: a escharfaux
deffusditz. Et ladicte fille en presentant le dit
cerf au Roy disoit ce qui sensuit

A Vostre venue excellente
Le cerf volant le vous presente
Affin que la ville defferue
Vostre amour a vous se rend serue
Et de tous biens obediante

¶ L'excelle[n]t prince passa oultre & vint deuant
le chastellet de paris ou il y auoit vng eschar
faulx prepare que les officiers dudit chastellet
auoient fait faire / a la couuerture duquel auoit
vng lis paint. au pie duquel lis estoit philippe
Après charles duc de Valois après philippe
duc de Valois. & estoit en escript filz frere pere
de roy

¶ Item après en montant estoit iehan

¶ Item après Charles le quint

¶ Item après Louis duc d'orleans. & estoit en es
cript filz frere oncle ayeul de roy

¶ Après estoit Charles duc d'orleans: & estoit
en escript nepueu pere de roy. & au hault du lis
Louis douzieme de ce nom.

¶ Les custodes furent montees honnorables
ment deuant ledit prince. & y auoit sur leschar
faulx plusieurs psonnages abillez differente
ment. Et premierement

¶ Vng roy reallemēt acoustre assis en chaere
tenant estat royal / cest assauoit le ceptre en la
main dextre. Du coste dextre estoit bon cō
seil. Justice au coste senestre Et soubz ses pie
injustice couchee

¶ Item y estoit puissance armee qui tenoit vng
boulge contre la poitrine de diuision
Et estoient aenuiron du Roy six psonnages
Leglise / le peuple / seigneurie / pouoir / vnton
& patry.

¶ Ces choses beues ledit seigneur passa oultre & vint deuant le palais royal / & y estoit vng autre escharfault que messeignrs de la chambre des comptes auoient fait faire / auquel escharfault estoient deux cerfs volans qui tenoient vng grant escu de frâce tymbre. & au dessoubz dudit escu vng porc espic au pie. & au deux costez dudit porc apic les armes de millan. Et estoit en escript ce qui sensuit

*Quis fert iam iacula tergo gero dura rebelles
Quos iaculis nequeo cernere dente seros*

¶ Item y auoit vng autre escripteau ou estoit ce qui sensuit :

*Salut honneur & reuerence
Au Roy Lops le bien ame
Douziesme de ce nom clame
Par eternelle prouidence.*

¶ Ce fait, ledit prince chenaucha vers nostre dame de paris acompaigne come dessus. Et grande quantite de peuple qui le supuoit / les autres l'attendoient : & luy arriue a ladicte eglise se fit deuotement son oratoire puis se mist a chemin & sen retourna vers le palais royal

¶ Des metz : entremetz : vins : viandes de diuerses sortes & couleurs a peine le sauroit on raconter. Ne aussi la multitude des princes

Contes/Bards/cheualliers escuyers/officiers
comme prelatz/gens deglise/marchans & ha-
bitans dicelle Ville estoient receuz audit palais
honorablement. Et y auoit plusieurs sortes
d'instrumens/comedies/faceties/tragedies/
& autres nouallitez qui furent faictes a la Ven-
ue de nostre souverain prince & seigneur.

¶ Et pource ceulx qui liront ceste presente en-
tree excusent l'imbécillite du simple acteur; et
prennent garde a la diligence quil en a faicte;
affin que la gloire & triumphe qui a este faicte
a la venue dudit seigneur soit respandue p tout
le monde pour en faire perpetuelle memoire en
priant dieu quil vueille pseruer de danger de
peril de mal & aduersite nostre souverain pa-
steur; & si bien conduire ses ouailles que en la
fin de ses iours il puisse acquerir couronne p-
petuelle au royaume de paradis


Amen.


¶ Et en la compaignie de son entree aps que
les quatre religions mendiēnes furent venuz
au deuant de luy a l'entree de ladicte Ville des-
uant ledit seigneur marchotent les seigneurs
des comptes destuz de carlate moult noblemēt
appointez chascun selon son estat a leurs huyf-
fiers deuant eulx. Et aps marchotent les gens
de monseigneur le preuost de paris/les archiers
de la ville/le cheuallier du guet & ses gens

¶ Item apres marchotent certaine grant quan-
tite de cheualliers nobles seigneurs & gentilz
hommes dont lon ne scet les noms en armes

leurs cheuaulx bardez & les barbes couruettes
de drap dor de cypre garnies de pailletes dor et
d'argent: & vestuz de hucques de drap dor / sur
leurs harnois / montez sur cheuaulx de touz
stes & genetz quilz faisoient saillir en l'air en la
dicte entree: de leur haulteur. ¶ Et apres
venoient messeigneurs des requestes de l'ostel /
ainsi ql apptient chū en son estat abillez en ro-
bes de scarlate. Et aps marchoiēt messeigneurs
de plement ainsi qlz ont acoustume de faire en
tel cas / leurs huyssiers deuāt eulx. Et apres
marchoit mon fr̃ le grāt escuyer: en sa compa-
gnie pluz nobles gentilz hōmes et escuyers
moult noblemēt mōtez en armes: & leurs che-
uaulx moult richemēt bardez. ¶ Hē aps mar-
choiēt les gardes dudit fr̃ a pte en hocquettons
argentez leurs arcz bandez en grāt nombre de
gēs. Et aps marchoiēt certaine quātite de roys
d'armes & heraulx deuāt le roy nr̃redit fr̃ apres
les trōpetes & clerōs & aps le sd. roy d'armes &
heraulx marchoit le roy noblemēt acoultre mō-
te sur vng coursier dhōneur.
Et au deuāt de mondit fr̃ le grāt escuyer mar-
choit le capitaine des suppes ses gens deuant
luy au nōbre de cēt ou six vingtz en moult belle
ordonnāce. Et derriere le roy nr̃redit fr̃ marcho-
ient deux cēs hōmes d'armes leurs cheuaulx
bardez: et couuers de drap dor si sumptueuse-
mēt acoustrez qu'on ne sauroit penser.

¶ **Explicit**





cm
1
2
3
4
5
6
7
8
9
10
11
12
13
14
15
16
17
18
19



cm
1
2
3
4
5
6
7
8
9
10
11
12
13
14
15